

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

晉

第四十六冊

王大令  
孫廷尉

V. 46







玉火令樂



王  
大  
令  
集



王大令集題辭

右軍七子五人知名子猷子敬尤稱  
不羈子敬先亡子猷直上靈床悲歎  
人琴亦頓絕徂化友于情深攜手地  
下鵲鴿之詩於此增重子敬生平少  
過其臨沒自懺者惟與郗道茂離婚



耳別妻一帖俯仰嗚咽旣篤伉儷何  
不爲宋大夫之却湖陽乎身尚公主  
女爲帝后烏衣貴游寵榮過盛獨惜  
年命不長門無男子五福在天文人  
當之固難有全理也桃葉歌詞江南  
盛傳其答歌則綠珠懊儂颺風怨詩



之類也子敬通昏帝胄豪貴自喜復  
纏綿妾侍發其謳吟中書風流上掩  
季倫但無顏對郗姉耳法書簡帖間  
有僞書翰墨足傳字貴尺璧大文絕  
少獨表明安石言得其平較之摯虞  
理茂先盧諶訟越石並晉室陽秋矣



婁東張溥題



晉王大令集目錄

書帖

辭中令書

與郗超論袁宏書

玄度帖

又

鄱陽帖

又

又



鐵石帖

又

德遠帖

祖希帖

授衣帖

衛君帖

府君帖

領軍帖

叅軍帖



冠軍帖

又

別郝氏妻

與兄徽之書

歲終帖

礬石帖

又

違遠帖

廿九帖



又

鵝還帖

又

又

又

散情帖

使君帖

承姑帖

阿姑帖



東陽帖

敬祖帖

永嘉帖

又

天寶帖

仲宗帖

黃門帖

秀順帖

靜婢帖



豹奴帖

江州帖

二妹帖

諸女帖

阮新婦帖

又

郗新婦帖

范新婦帖

新婦帖



慰意帖

東近諸帖

又

又

又

又

又

又

又



相過帖

夏日帖

慕容帖

薄冷帖

益部帖

思戀帖

轉勝帖

消息帖

集聚帖



近豫帖

復面帖

西問帖

月終帖

安和帖

餘杭帖

晴快帖

珍重帖

尊體何如帖



中秋帖

日寒帖

南中佳音帖

白鮓帖

服黃著帖

湯酒帖

鴨頭丸帖

服油帖

送梨帖



鏡湖帖

疏

明謝安忠勳疏

表

啓瑯琊王爲中書監表

又

墓志

保母志

詩



桃葉歌二首

附錄

本傳

王大令集目錄終



晉王大令集卷全

晉 王獻之子敬 著

明 張 溥西銘 閱

辭中令書

獻之自吳興內史徵拜中書令

外出謂公私可安耳。勲賞既湊。亦已息望。但使明公不遺。有會不忘。亦何憂便餒耶。民志不慕高情。不忘榮。懇懇祈禱。惟願離今任耳。餘無所擇。伏度朝恩。不過存愍。故舊使蓬蒿與蘭蕙齊榮耳。明詔爰發。恩已被矣。榮實厚矣。必何須拜。



而治順許而弛。今日君臣之際。差可得適願樂也。若民有纖芥。少裨聖化。亦當求自策效。而能臨殊寵。必欲免耶。思之實熟。萬無此理。古來亦未有量力而致深罪者。蔡司徒立帝主於御牀。詔驛數反。其不祇順。正止於免黜耳。此外希不矜體者。違命誠爲深愆。曲從實復過此。伏度天海容納。必當哀許。仰憑仁眷。惟願垂救。動成塵穢。轉難爲顏。乃欲覲謁。忽患齒痛。疼恹無賴。語迫罔知。所厝冒復啓。謹草上呈。罄竭款實。謹



一豪虛矯，神明殛之。若民可作尚書令，而使四海推慝者，亦人誰不堪。勲德蓋世，尚當有謫。況民凡鄙，而可寇竊耶。王懷祖先輩名流，作此職，可謂僉允。桓宣武窺尚書門，猶言此中無人，固知當之未易也。劉旣不便，彌不自宣，故寄之翰墨，益增繁忤。飢渴還，旨願不作悠悠，常誨耳。獻之死罪，州民王獻之呈。

與郗超論袁宏書

宏爲吏部郎，  
獻之與超書。



彦伯已八。殊足頓興往之氣。故知捶撻自難爲。

人冀小卻當復差耳。

已入尺牘作已久。誤。王敬美云。足窺子敬狹中。

立度帖

立度時往來。以此爲慰。與公使適還數日。具都下問。人情所憂。良可歎息。諸從數問。齡前來經

日。極爲差。云仁祖欲請爲軍司。不知行不。從一作賢

黃云立度時來一帖。米以爲無名人作。僕謂此真晉人語。但筆勢疎緩多失落耳。謂大令書則非。蓋中云仁祖欲請爲軍司。案獻之以晉孝武太元十一年。年四十三卒。謝尚於穆帝升平元年卒。時獻之方年十三。請軍司又在升平前大令是時纔十許歲。安得已作書論時事。殆是



他人書玄  
來遲亦此類

又二王作  
使還帖

玄度何來遲、深令人憂懸耶、常謂有理、因祠監、  
多感足下共事甚善、然所造極難、想足下每思  
先後、卿豈須言親親不已意耳、安石停此過半  
日、猶得一宿、送近道、所以致歎、何物喻之、一十  
當浦陽諸懷、兒不可言、且不復得、卿送有諸歎、  
今此貪上道、淳化誤摹何物一行在前送近一  
行在後、常淳化作當、卿二王帖  
作公、貪一作奕、黃云亦  
似逸少語、張長史輩偽作



鄱陽帖

獻之白、不謂鄱陽一門、艱故至此、追尋悲惋、益不自勝、奈何奈何、政坐視其滅盡、使人悲熟、賴子高在此、不爾無可成獻之

熟尺牘作熟、不爾作下爾、誤

又

二王作散騎帖

鄱陽書停諸舍、便有月未具、散騎書知情至、草草未發、遣奉去月餘、承婦等復不能差、深憂慮耳

又



陽歸、鄉承脩東轉有理、吾賢畢欲事、必俟勝、  
歡慰于懷耶、吾終權宜至承、今年飢饉、仰惟年、  
支都乏絕、不謂乖又至於此耶、吾脚尚未差極、  
憂也、

鐵石帖

近與鐵石共書、令致之、想久達、不得君問、以復  
經月、懸情豈可言、頃更寒不適、頗有時氣、君頃  
各可耳、遲肯問僕大都小佳、然疾根聚在右髀  
脚、重痛不得轉動、左脚又腫疾、候極是不佳、幸



食眠意事爲復可、可、冀、非、臧、病、耳、

又

二王作散還帖

知鐵石前往快作樂諸君善處世。一達於當年。不復過此。僕端坐將百日。爲尸居解日耳。不知

那得一散懷何其相思之深臨書意塞。

二王帖云東坡

詩有已將鐵石充逸少之句蓋坡疑以爲殷鐵石故云按詩註殷鐵石梁人非及與右軍父子同時今所謂與鐵石共書豈兩子張耶

德遠帖

前告先以陳事意必是更有家信未知期說見



從遠書所致人耶何可足下今耶下今極作李念

祖希帖

張玄字祖希

知祖希佳爲慰慰數不得書其云至水門增深  
欸之

授衣帖

獻之死罪授衣諸感悲情伏惟哀慕兼慟痛毒  
難居見徐儁并使君書承比極勝但承此凶問  
當復大頓耳比日憂馳無復意不審尊體云何  
脚及可痛氣得此哀號何如先大惡時灸創特



不堪此，不乃爲患。眠食幾許，使君今地實難爲。識然所以爲識政在此耳。當今可復使不萬全，不願其以多筭難易得之便。自可令不爲因。象耳比者，忉怛當不可言，當不可言，獻之死罪。

衛軍帖

衛軍猶未平，和而哀勞，殊未得盡。消息理常以不甯，僕射得散力甚慰。表解臺職，不知得恕不。

復冠軍告懸企

復一作後

府君帖

二王作極熱帖



獻之白極熱敬惟府君此月內得書來時幾得  
問希此消息極悶悶軍中復如何患膿不能潰  
意甚無賴君有好藥必時復與府中多少極濟  
事耶黃云極熱敬惟府君帖云來時幾得問希  
此消息極悶悶又云意甚無賴君有好藥  
云云極濟事耶又服油帖云不至絕艱辛也  
皆近世俗言字勢亦不至佳非王氏帖明甚

### 領軍帖

還此今有書何以至不知諸舍故多患念勞以  
今差也得領軍書故在風丹楊書常疾動耿耿  
亦云得鄱陽近書爲慰丹楊疾者不果來甚悵



恨云一作足

叅軍帖

東家尚未欲下，李叅軍無政，日有此議，能自來。此方寸無使聞上，極不玅之事，獻之頓首。

冠軍帖

委曲前書具，想勝常也。諸人悉何如，承冠軍定入計，今向達都，汝奉見欣慶，但恐停自不多耳。

又

承冠軍故爾不覺轉勝，灸無所覺憂馳深，汝焦。



煉可言

又一帖  
煇

別郗氏妻

郗曇女  
名道茂

獻之初娶郗氏女，爲秘書丞，尚新安公主，及獻之遇疾，道家上章，法應首過，對曰：「不覺餘事。」惟憶與郗家離婚。王氏譜咸寧中尚餘姚公主，黃云奉對帖。當是與郗家離婚也。郗氏自太尉鑒後，爲江左名族，其姓讀如絺繡之絺。世人以俗書郗字作郤，因讀爲郤，詵之郤，非也。郤詵乃晉大夫郤縠，郤鑒乃漢御史大夫郗慮之後，在原既異，音讀迥殊，亦近代氏族及小學二家之學不講故也。陸魯望博古矣，其詩云：「一段清香染郗郎，亦誤讀也。」

雖奉對積年，可以爲盡日之歡，常苦不盡觸類



之暢。方欲與姊極當年之足。以之偕老。豈謂乖  
別至此。諸懷悵塞實深。當復何繇。日夕見姊耶。  
俯仰悲咽。實無已無已。唯當絕氣耳。

俯仰施作  
纏綿當

一作  
常

### 與兄徽之書

兄伯蕭索寡會。遇酒則酣暢。忘反乃自可矜。

### 歲終帖

獻之白。節過歲終。眾感纏心。伏惟同之。奉月初  
告。承極不平復。頭眼半體。疥恒惡。兄告說姊故。



之充一  
作先  
氣力漸復克耳，遲復旨告，獻之故爾。獻

礪石帖

獻之白兄靜息應佳，何以復小惡耶？伏想比消  
息理盡轉勝耳。礪石深是可疑事，兄憲患散，輒  
發、癰、勢、爲、積、乃、不、易、願、復、更、思、獻、之、惟、賴、消、息、  
內、外、極、生、冷、而、心、腹、中、恒、無、他、此、一、事、是、差、但  
疾源不除，自不得佳，論事當隨宜思之也。獻之



白

勢一作熱，為積尺牘，作為治。黃云：散者寒，食散之類，散中蓋用礬石，是性極熱有毒，故

云深可疑也。劉表在荊州，與王粲登障山，見一

岡，不生百草。粲曰：此必古冢，其人在世服生礬

石，熱蒸出外，故草木焦滅。鑿看果礬石滿塋，又

今洛水冬月不水，古人謂之溫洛，下亦有礬石

今取此石置瓮水中，水亦不冰。又鶴伏卵以助

煖氣，其烈酷如此，固不宜餌服。子敬之語實然

聊附于此。又云：賴消息內外極生冷，內外二

字本行旁注，故字差小，而昧者摹填，著行中非

也。當依本為勝，諸帖中此例甚多，如十七帖中

遠想慨然，孔琳之帖恨恨，脚中轉劇等字，本皆

側注，後人摹以入行。

摹以入行

又

姊性舊合礬石為一帖

姊性纏綿，觸事殊當，不可獻之方，當長愁耳。



遠遠帖

吾十一日發吳興，遠遠兄姊，感戀無喻，慶等別  
不可言。比奉告，故多患，姊經感極頓，憂馳益深。  
適諮議十六日告風疾，故爾反側，餘可行未東。  
動靜不寧，吾宜速。吳興丞別兄進，猶戀罔勞，亦  
極惡。馳情二女，晚生皆佳，未復華姜疏。比來得  
直疏，故惡。故足當視華也。汝兒女並可不。吾一作五

廿九帖

廿九日獻之白，昨遂不奉，恨深。體中復何如？弟



甚頓、勿勿不具獻之再拜、

黃云此近世人語、非子敬書、二王帖云

黃以爲昨遂不奉恨深帖、有秦漢篆、筆中令自言、故自不同、真不虛爾、書中有相勞苦語極佳讀之了不可解者、當箋素敗逸、觀其可讀者知其爾爾、奉下一有別悵二字、

又

獻之白承姊故常惡、不審得春氣復何如、冬馳情、餘安和至、宜此故耳、獻之白

鵝還帖

二王作諸舍帖、淳化及二王帖、鵝還云云并合上爲一、今按其刻鵝

還、原提作行首則此當別爲一帖、王氏尺牘以鵝還鵝差名、鵝還帖、而無崇虛

一條今並仍鵝還之名、其舊名各附注、諸舍亦載於前、



言合復何如，吾家多患憂，面以問慰，情不知可。  
耳承永嘉比復患下，上下諸疾患，乃爾焦馳，豈  
可懷不審。今復何如？嬖卽平和耳。貞壽不成病，  
不憂一作望。

又

鵝還慰姊意，今已嘗向發，分張諸懷，可言殊嘗  
復憂懸，婢腹痛見差不，劉家疾患卽差，秀已還  
也，已嘗陳作已當。

又二王作慶至帖



慶等已至也、驚差不甚懸心、宜道尋去、奴定西、

諸分張少言、

道一作還  
一作送

又

驚群  
帖

獻之等再拜、不審海鹽諸舍、上下動靜、比復常、

憂之、姊告無他事、崇虛劉道士鵝羣並復歸也、

獻之等當須向彼謝之、獻之等再拜、

鹽劉作監  
須一作便

誤

黃云鵝者王氏子姓之小字耳猶袁羊顧

虎

之類或以此鵝即逸少所受之驚甚可鄙笑

又

帖云崇虛劉道士驚羣並復歸也獻之等須

向

彼謝之亦非當時尺牘體蓋以大令父逸少

嘗

書道德經換鵝而山陰曇瑗村道士舉羣贈

之

故以此事傳會作是帖耳案崇虛館乃宋明



帶泰始四年建子敬晉人何得已稱之又按魏  
收釋老志太和十五年詔立道家寺宇於桑乾  
之陰名崇虛寺去晉愈遠矣王云此乃黃長  
睿東觀餘論而揚引爲已辨亦可笑也然書家  
頗重鵝羣帖按此明載法帖辨誤不必餘論  
二王帖注黃云右軍寫經換鵝時子敬尚幼  
少未必能作此簡好事者爲之耳如貞觀初相  
師道輩可作此字恐不其然人之善書蓋有自  
幼天成者况子  
敬耶米云偽

### 散情帖

獻之白不審疾得損未極憂及更能出入未前  
書云至於散情痾疾苦療得所深喜慰想必爲  
問敬和晚際似差耶諸舍也能向諸第各也



使君帖

嬖等承更惡不審頃痊復不必須散時終得力  
耶此藥甚佳想姊舉體不能行履服遂差安西  
且無恙府君屬有和稀久滯行路同人絕得此  
心故當攜其長幼詣汝上下知彼駱驛有書示  
不足以慰吾意耶冬間必欲至足下所居承使  
君明練不謂漸有勝也君數集聚然其大都可  
耳吾止於月半間耶

黃云嫂等帖亦非大令書  
諸一作諸數一作可

耳作  
可



承姑帖

之白承姑比日復小進退其爾不得一極和  
變悚猶深不審以服散未必得力耳比麟相聞  
故云惡懸懷使君數得書也

淳化承承姑  
以一作比

阿姑帖

二王作  
平安帖

近奉阿姑告知平安極慰人意獻之遂不堪暑  
氣力恒惛恐是惡風大都將息近似小却

東陽帖

不審阿姨所患得差否極令懸惻想東陽諸妹



當復平安不審頃者情事漸差耶彼郡今戴甚不能佳不知早晚至當遂至郡深相望

敬祖帖

敬祖日夕還山陰與嚴使君聞頗多歲月今屬天寒擬適遠爲當奈何奈何爾豈不令念姊遠路不能追求耳

君劉作知誤

永嘉帖

願餘上下安和知婢日夕疏慰意育故羸懸心倪比健也適奉永嘉去月十一日動靜故常思



諸女無復消息獻之

又

等可不轉思見之知恩慕不中

天寶帖

白東告具天寶疾患問何其倉卒乏子孫當欣  
倫早成家以此娛上下豈謂奄失此女慙惜深  
至惻切心懷嫂哀念當可爲心情願不可保使  
人惋惋悲政當隨事豁之耳嫂先積弊復有此  
痛心不審不乃惡不甚以憂馳眠食復多少願



遣無益盡消息理

仲宗帖

一月廿九日告仲宗奉世諸兒禍變無常

黃門帖

黃門隕背哀痛摧剝不自勝任奈何奈何及書

感塞父姑告

黃門兄徽之也黃云亦王氏帖而非大令書

秀順帖

何必不耳企遲此大都如常秀順至慰意順心

痛委頓焦勞



靜婢帖

請舍不能集會，深哽塞，仰料靜婢自常不和，知從事甚簡致此佳也。

豹奴帖

豹奴此月惟省一書，亦不足慰懷。深悉足下情素耳。  
豹劉作數誤，桓嗣小字豹奴。王氏甥，故二王帖中時及之。

江州帖

知汝決欲來下，是至願。然嫂當得供養冀郡，固有理。若宣城瑯琊不果，南有空缺，可作者。此信。



還具白當與在事論爲不可須留者便可決作  
來下記也上方大枋想汝不過數枋足彼故當  
足合偶此耳人方當麓足不果耳可白吾當托  
桓江州助汝此不辨得遣人船迎汝當具東改  
枋枋三四吾小可當自力無湖迎汝故可得五  
六十人小枋諸謝當有便是見今當語之大理  
盡此信還一一白胛痛不可堪而比作書欲不  
能成之淳化帖四十云吾當託桓江川助汝吾  
此不辨得遣人船迎汝當具東改枋三  
四吾小可者當自力無湖迎汝故可得五六十  
人小枋諸謝當有便是見今當語之大理盡此



其自，胛痛，可堪，而以作書，絕欲，不可識。  
云：吾當託桓江州助汝帖，米以爲張長史。  
雖未必然，要非大令書也。按此帖不至惡，但  
任近俗，無晉世清韻，真非大令書，殊不至亦  
寫右軍帖詞耳。張彥遠《右軍帖錄》有此語，此卷  
亡其半，續帖逸少部中有前段結字，殊應模矩。  
蓋王氏子弟臨逸少書，勝此遠矣。二王帖云：  
按法書要錄，此帖前有知汝欲來等數十字，內  
吾字作五字，不可識作不能成之，乃在逸少帖  
中，當以彥遠爲是。王著以逸少無大草書，故置  
獻之帖中耳。攻劉施作改，可者黃諫作去，無  
湖劉作無，御諫作仰，小枋諫作小，楊皆非，當  
有下六十帖  
多一有字。

### 二妹帖

忽動小行多，晝夜十三四起，所去多，又風不差。



脚更腫轉欲書疏自不可已惟絕歎於人理耳  
二妹復平平昨來山下差靜岐當還岐一作政

諸女帖

想彼悉佳汝復見諸女不此近下故爾耳近一作上

阮新婦帖

一帖下後有君白二字

諸女無日事懸心阮新婦何日至慰姊目下

又

阮新婦勉身得雄甚善散騎殊常熹也常陳作當

郗新婦帖



外甥欲問邨新婦更篤憂慮深今一作念

范新婦帖

謝范新婦得缺富春過諸道路安隱甚慰懸心

比日涼即至平安也上下集聚欣慶也華等佳

不小婢比小下大都可耳新婦舍其行更憐之

不可言范新婦省米云余收子敬范新婦唐模

紙不許兒奇專父美而絳帖誤以為右軍東

書堂帖佳不後云自新婦母子去寂漠難言思

新婦帖



新婦服地黃湯來，似減眠食，尚未佳，憂懸不去心。君等前所論事，想必及謝生未還，何爾進退不可解。吾當書問也。何一作可

慰意帖

得諸慰意，吾故冀惡，尋視汝又告，

東近諸帖

未復東近動靜，馳情昨卽遣行，爲不至耶，

又

二十三日獻之問，得十九日書之間，後何如，吾



故劣力不一一王獻之問

又

向聞游諸懸作今退念時事缺覽之後復慨然

又

五月十二日獻之白節過感懷深至念痛傷難  
勝得五日告知君轉勝甚慰甚慰兩過此復何  
如想消息日平復也謹僕近暴不佳如惡氣當  
時極惡賴卽退耳故虛劣勿勿還不多王獻之  
白



又

思想轉思省告，知君亦同。如今未知面期近遠，此慨可言。惟深保愛，數音問尋。故旨取君消息。

又

信明還東，有還書願送來已。今分明至著都上。

又

慰之。吾故沈頓思見之，故想時能問疾，得來先報之。不能得自致者，旨取車。王獻之答。

又



之白奉承問近雪寒患面疼痛脚中更急痛  
兼少下甚馳情轉和佳不審尊體復何如得此  
諸患小差不復思何如幸能復散故鎮益久藥  
何以不更將之遲尋復旨若獻之弊於淡飮飲  
得春風氣懣亂言故欲熱復食酒爲腹可耳獻  
之白

相過帖

相過終無復日。悽切在心。未嘗蹙撥。一日臨坐。  
目想勝風。但有感慟。當復如何。常謂人之相得。



古○今○洞○盡○此○處○殆○無○恨○于○懷○但○痛○神○理○與○此○而○  
窮○耳○盡○此○感○深○殆○無○冥○處○常○恨○況○相○遇○之○難○而○  
乖○其○所○同○省○告○不○覺○滄○流○既○已○往○矣○亦○復○何○言○

獻之

黃云相過無復日借  
匪獻之韻自可賞

夏日帖

夏日感思兼悼切割心懷痛當奈何奈何得思  
道書慰意薄熱汝比各可不吾並故諸惡勞益  
勿勿獻之白疏

慕容帖



有易賴意耶米云無  
名人偽

薄冷帖

薄冷足下沈痼已經歲月豈宜觸此寒耶人生稟氣各有攸處想示消息薄冷益部二帖米以爲歐率更書

益部帖

黃云借陳壽所著益部耆舊傳也

益部耆舊傳今送想催驅寫取耳慎不可過淹留吾去月從孫家求信次頃爾頻爲亂反側餽大佳柳六惠言餽可常餌亦覺有益耳

思戀帖



獻之白思戀轉不可言瞻近而未得奉見但有

歎息遲諸信還具動靜獻之白

信一作攸又作作

轉勝帖

黃云疾不退至分張語類江表人

疾不退潛處當日深豈可以常理待之此豈常

憂不審食復何如飢色可所堪轉勝復以

此慰馳竦耳

義之有此帖潛處作潛損當作亦當

消息帖

消息亦不可不恒精以經心向秋冷疾下亦應

防也獻之下斷來恒患頭項痛復小尔耳

項施作頂



集聚帖

前書故有集聚意當能果不足下小大佳不  
官前逼遣足下甚急想以相體恕耳足下兄  
子以至廣州耶當有得集理不念懸心也耳

近豫帖

白承舍內分違近豫遂就難以喻通濟理獻之  
白

復面帖

復面悲積蕃首以不佳耿耿僕近動散委頓雖



轉折猶惛然發止尚以未定日冀以言首力還不復耳

黃云復面悲積宋齊人語

西問帖

得西問不寇復云何令人邑邑具示

寇劉釋作寢

月終帖

獻之言月中伏惟哀傷不可任不審尊體諸患復何如悚息謹言疏不備獻之言

還此西問月終米云皆偽

安和帖

獻之白奉別告承安和慶慰極冷不審尊體復



何如獻之比日如復小勝因夜行忽復下如欲  
作瘳今服藥盡溫燥理冀當可耳然異極都

得復小失和卿惡亦不復得妄近生冷體氣頓

至此令人絕歎行有佳酒便服

何如一作何必卿黃諫作已行

陳作何酒劉作治大觀帖此下有  
獻之二字施謂別用摹入此帖者

### 餘杭帖

獻之白思戀觸事彌至獻之既欲過餘杭州將  
若比還京必視之來月十左右便當發奉見無  
復日比告可喻願復盡珍重理獻之白

見劉作兄



晴快帖

再拜夏節近感思深惟窮號崩絕不可忍處晴  
快不審體中何似食噉復多少甚馳情不審諸  
舍復何如未復西動靜不宣此多患反側願深  
寬勉故承問

多一作知

珍重帖

思戀無往不慰省告對之悲塞未知何日復得  
奉見何以喻此心惟願盡珍重理遲此信反復  
知動靜



尊體何如帖

獻之白不審尊體復何如昨夜眠多少願盡寬  
喻理憂馳可復言若得消息者獻之

者劉作告一作去

中秋帖

十二月割至不中秋不復不得想未復還慟理  
爲卽甚省如何然勝人何慶等慶等大軍

日寒帖

日寒涼得告承諸惡

缺

復灸極嘗慘痛悲灼

僕病正自不差疾久自

缺

目深悲企甚積旣慘



塞居疾係以罪黜二三不出職門近疑所敘似

不益企恨秋牽借請有人當復敘耳

米云日寒帖後

有兩行謝安批所謂批後爲答也唐太宗不收獻之帖上刮去不次獻之白字謂之羊欣以應募而蘭亭帖亦以爲羊欣書

南中佳音帖

南中佳音一一小慰解數月也吾甚憂慮卿君何如耶獻之

白鮓帖

適得元直二十三日疏送白鮓今送十裹似並



平耳嗽獻之白

服黃耆帖

承服腎氣丸故以為佳獻之比服黃耆甚懃平  
平耳亦欲至十齋當可知

齊劑通用劉  
釋作齋誤

湯酒帖

得書為慰吾先夜遂大得服湯酒諸治漸折故  
頭極難勞知足下便去不得面別快恨深保愛  
臨書增懷王獻之

快一  
作悵

鴨頭丸帖



三才集  
鴨頭丸故不佳，明當必集，當與君相見。

服油帖

服油得力，更能停嗽麪，只五六日停也，不至絕艱辛也。足下明當必果，想卽日如何，深想憶。

送梨帖

今送梨三百顆，晚雪殊不能佳。

涑熙所刻及賜書堂皆右軍米

以爲大令

鏡湖帖

鏡湖澄澈，清流瀉注，山川之美，使人應接不暇。



王右軍云每行山陰道上如鏡中游。與此可互  
觀父子高致如此。王云按世說稱子敬云。不  
言尺牘。



三才集

卷全

三



疏

明謝安忠勳疏

故太傅臣安少振立風道。譽滋溢。弱寇遐棲。則  
契齊箕皓。應運釋褐。而王猷允塞。及至載宣威  
靈。強猾消殄。功勳旣融。投鞬高讓。且服事先帝。  
睿隆布衣。陛下踐阼。陽秋尚富。盡心竭智。以輔  
聖明。考其潛躍始終。事情繾綣。實大晉之雋輔。  
義篤於曩臣矣。伏惟陛下留心宗臣。澄神於省  
察。



表

啓瑯琊王爲中書監表

中書重職掌詔命。當否是寄。自大晉建國。常令宰相參領。中興以來。益重其任。故非輕才所可獨任也。

又

中書職掌詔命。非輕才所能獨任。自晉建國。嘗命宰相參領。中興以來。益重其任。故能王言彌微。德音四塞者也。



墓志

保母志

瑯琊王獻之保母姓李名意如廣漢人也。在母家志行高秀歸王氏柔順恭勤善屬文能草書解釋老旨趣年七十興寧三年歲在乙丑二月六日無疾而終仲冬季望葬會稽山陰之黃岡岡下殉以曲水小硯交螭方壺樹雙松於墓土立貞石而志之悲夫後八百餘載知狀之保母宮于茲土者尚焉。



王于莊土井出焉

王九孫而志也悲夫婦人可憐無堪忍之期

則子嗣以出承不財矣姑不意楊越外傳上

其母感而終年之半望其會澤山能志茂

其母自述年十十與命三平許其五二

亦志其言哀祖王力家無奉隨其親父直

其母王勉之其母其言亦力其母其言亦

其母其言



桃葉歌二首

古今樂錄云，桃葉歌，晉王千敬所作也。桃葉，子敬妾，緣於篤愛，所以歌之。隋書五行志之陵時江南盛歌王獻之桃葉詞。桃葉復桃葉，渡江不用楫，但渡無所苦。我自迎接汝，後隋晉王廣伐陳，置將桃葉山下，及韓擒虎渡江，大將任蠻奴至新亭，以導北軍之應。

桃葉復桃葉，渡江不用楫。但渡無所苦，我自來

迎接。

藝文作我自迎接汝

桃葉復桃葉，桃樹連桃根。相憐兩樂事，獨使我



殷勤藝文作

纏綿

謝我詩情雅興以不用離世無思寄拜白來

謝我詩情雅興以不用離世無思寄拜白來

謝我詩情雅興以不用離世無思寄拜白來

謝我詩情雅興以不用離世無思寄拜白來

謝我詩情雅興以不用離世無思寄拜白來

謝我詩情雅興以不用離世無思寄拜白來



本傳

王獻之字子敬。少有盛名。而高邁不羈。雖間居終日。容止不怠。風流爲一時之冠。年數歲。嘗觀門生樗蒲。曰。南風不競。門生曰。此郎亦管中窺豹。時見一班。獻之怒曰。遠慙荀奉倩。近愧劉真長。遂拂衣而去。嘗與兄徽之。操之。俱詣謝安。二兄多言俗事。獻之寒溫而已。旣出。客問安。王氏兄弟優劣。安曰。小者佳。客問其故。安曰。吉人之辭寡。以其少言。故知之。嘗與徽之共在一室。忽



然火發微之遽走取履獻之神色恬然徐呼左右扶出夜臥齋中而有偷人入其室盜物都盡獻之徐曰偷兒青氈我家舊物可特置之羣偷驚走工草隸善丹青七八歲時學書羲之密從後掣其筆不得歎曰此兒後當復有大名嘗書壁爲方丈大字羲之甚以爲能觀者數百人桓溫嘗使書扇筆誤落因畫作烏駝犂牛甚妙起家州主簿祕書郎轉丞以選尚新安公主嘗經吳郡聞顧辟疆有名園先不相識乘平肩輿徑



方集賓友而獻之游歷既畢。傍若無人。驅勃然數之曰。傲主人。非禮也。以貴驕士。非道也。失是二者。不足齒之。儉耳。便驅出門。獻之傲如也。不以屑意。謝安甚欽愛之。請爲長史。安進號衛將軍。復爲長史。太元中新起太極殿。安欲使獻之題榜。以爲萬代寶。而難言之。試謂曰。魏時陵雲殿榜未題。而匠者誤釘之。不可下。乃使韋仲將懸橙書之比。訖鬚鬢盡白。裁餘氣息。還語子弟。宜絕此法。獻之揣知其旨。正色曰。



仲○將○魏○之○大○臣○宜○有○此○事○使○其○若○此○有○以○知○魏○  
德○之○不○長○安○遂○不○之○逼○安○又○問○曰○君○書○何○如○君○  
家○尊○答○曰○故○當○不○同○安○曰○外○論○不○爾○答○曰○人○那○  
得○知○尋○除○建○威○將○軍○吳○興○太○守○徵○拜○中○書○令○及○  
安○薨○贈○禮○有○同○異○之○議○惟○獻○之○與○徐○邈○共○明○安○  
之○忠○勲○獻○之○乃○上○疏○孝○武○帝○遂○加○安○殊○禮○未○幾○  
獻○之○遇○疾○家○人○爲○上○章○道○家○法○應○首○過○問○其○有○  
何○得○失○對○曰○不○覺○餘○事○惟○憶○與○邈○家○離○婚○獻○之○  
前○妻○邈○異○女○也○俄○而○卒○於○官○安○僖○皇○后○立○以○后○



父追贈侍中特進光祿大夫太宰謚曰憲無子  
以兄子靜之嗣位至義興太守時議者以爲義  
之草隸江左中朝莫有及者獻之骨力遠不及  
父而頗有媚趣桓立雅愛其父子書各爲一奏  
置左右以翫之始義之所與共游者許邁

王大令集卷全終







藏文頌

系主詩集

卷五

一



孫廷尉集



孫廷尉集題辭

東晉佛乘文人孫興公最有名然喻  
道論云佛十二部經其四部專以勸  
孝道賢論以天竺七僧方竹林七賢  
指悉近儒非濡首彼法長往不返者  
也桓大司馬欲移都洛陽衆莫敢諫



興公抗表論列文辭甚偉斯時進言  
固難于婁敬之說漢高也振袖舉笏  
郝廓無恙一封事足不朽矣天台賦  
自命金石抑其佳句不過赤城瀑布  
耳遂初林阜足薄華幕蓋遠詠老莊  
蕭條高寄其素志也賦云乎哉表哀



詩哀號罔極欲繼蓼莪卽若祖除婦  
服詩未若其闢道義繫人倫也碧玉  
二歌亦胡姬十五桃葉渡江之類未  
免有情正謂此爾右軍蘭亭雅集興  
公與兄承公各有詩篇一吟一咏誠  
非許椽所及溫王郗庾窮碑載文豈



好諛墓哉具體先哲或中郎之羽翮  
也

婁東張溥題



孫廷尉集目錄

賦

天台山賦

望海賦

又

遂初賦

疏

諫移都洛陽疏

爲功曹叅軍駁事牋



論

喻道論

序

蘭亭集後序

碑

太尉庾亮碑

太傅褚裒碑

丞相王導碑

太宰郗鑒碑



司空庾冰碑

潁州府君碑

銘

太平山銘

漏刻銘

樽銘

頌

聘士徐君墓頌

有序

贊



賀司空循像贊

有序

孔松楊像贊

某太常碑贊

老子贊

商邱子贊

原憲贊

道壹贊

釋道安贊

康僧會贊



誄

庾公誄

王長史誄

詩

表哀詩

并序

三月三日

蘭亭集詩二首

秋日

情人碧玉歌二首



附錄

本傳

孫廷尉集目錄終



晉孫廷尉集卷全

晉太原孫綽著

明太倉張溥閱

賦

天台山賦

天台山者、蓋山嶽之神秀也、涉海則有方丈蓬萊、登陸則有四明天台、皆玄聖之所遊化、靈仙之所窟宅、夫其峻極之狀、嘉祥之美、窮山海之瓌富、盡人神之壯麗矣、所以不列於五嶽、闕載



於常典者、豈不以所立冥與其路幽迥、或倒影  
於重溟、或匿峯於千嶺、始經魑魅之塗、卒踐無  
人之境、舉世罕能登陟、王者莫由禋祀、故事絕  
於常篇、名標於竒紀、然圖像之興、豈虛也哉、非  
夫遺世翫道、絕粒茹芝者、焉能輕舉而宅之、非  
夫遠寄冥搜、篤信通神者、何肯遙想而存之、余  
所以馳神運思、晝詠宵興、俛仰之間、若已再升  
者也、方解纓絡、永託茲嶺、不任吟想之至、聊奮  
筆以散懷



太虛遶廓而無閼運自然之妙有融而爲川瀆  
結而爲山阜嗟台嶽之所奇挺寔神明之所扶  
持蔭牛宿以曜峯託靈越以正基結根彌於華  
岱直指高於九疑應配天於唐典齊峻極於周  
詩邈彼絕域幽邃窈窕近智者以守見而不之  
之者以路絕而莫曉哂夏蟲之疑冰整輕翮而  
思矯理無隱而不彰啓二竒以示兆赤城霞起  
以建標瀑布飛流以界道覩靈驗而遂徂忽乎  
吾之將行仍羽人於丹邱尋不死之福庭苟台



嶺之可攀亦何羨於層城釋域中之常戀暢超  
然之高情被毛褐之森森振金策之鈴鈴披荒  
榛之蒙蘢陟峭崿之崢嶸濟楸溪而直進落五  
界而迅征跨窮隆之懸磴臨萬丈之絕冥踐莓  
苔之滑石搏壁立之翠屏攬樛木之長蘿援葛  
藟之飛莖雖一冒於垂堂乃永存乎長生必契  
誠於幽昧履重險而逾平旣克濟於九折路威  
夷而修通恣心目之寥朗任緩步之從容藉萋  
萋之纖草蔭落落之長松覲翔鸞之裔裔聽鳴



鳳之嗶嗶、過靈溪而一濯、疏煩想於心、智蕩遺  
塵於旋流、發五蓋之遊、蒙追羲農之絕軌、躡二  
老之玄蹤、陟降信宿、迄于仙都、雙闕雲竦、以夾  
路、瓊臺中天而懸居、珠閣玲瓏於林間、玉堂陰  
映於高隅、彤雲斐亹以翼櫺、皦日炯晃於綺疏  
八桂森挺以凌霜、五芝含秀而晨敷、惠風仁芳  
於陽林、醴泉涌溜於陰渠、建木滅景於千尋、琪  
樹璀璨而垂珠、王喬控鶴以冲天、應真飛錫以  
躡虛、騁神轡之揮霍、忽出有而八無、於是遊覽



既周體靜心閑害馬已去世事都捐投刃皆虛  
目牛無全凝思幽巖朗詠長川爾乃羲和亭午  
遊氣高褰法鼓琅以振響衆音馥以揚煙肆覲  
天宗爰集通仙挹以玄王之膏漱以華池之泉  
散以象外之說暢以無生之篇悟遣有之不盡  
覺涉無之有間泯色空以合跡忽卽有而得玄  
釋二名之同出消一無於三幡恣語樂以終日  
等寂默於不言渾萬象以冥觀兀同體於自然

望海賦



五湖同浸、九江叢漑、抱河含濟、吞淮納泗、南控  
沅湘、西引涇渭、洲渚迢遞、以䟽屬、島嶼綿邈、以  
牢羅、殖鬼崔之碣石、構窮隆之牂牁、玄輿之府、  
重仞之房、鱗彙萬殊、甲產無方、包隋珠、銜夜光、  
璚瑁熠爍、以泳游、螭螭煥爛、以映漲、虛貝含素、  
而表紫、蠓螺絡丹、而帶紺、青甲芬飈、以微扇、玄  
木杳渺、以舒芳、其卉木則綠苔石髮、蔓以流綿、  
紫莖菑綜、解以被渚、華組依波、而錦披、翠綸扇  
風、而繡舉、長鯨嶽立、以截浪、魴鰭揚鬣、以排流、



巨鼇負以冠山、鳥鰲呼翕以吞舟、鵬爲羽傑、鯢稱介豪、翼遮半天、背負重霄、舉翰則宇宙生、風抗鱗則四瀆起濤、考萬川以周覽、亮天地之綜緯、彌綸八荒、亘帶九地、昏明注之而不溢、尾閭洩之而不匱、

又

若乃惟馨陳祈、祝不愧言、或適於東、或歸于西、商客齊暢、潮流往還、各資順勢、雙帆同懸、倏如騶驂背馳、拏如交集輕軒、



遂初賦

余少慕老莊之道，仰其風流久矣。却感於陵賢妻之言，悵然悟之。乃經始東山，建五畝之宅。帶長阜，倚茂林，孰與坐華幕，擊鐘鼓者，同年而語其樂哉。



孫少府集

大守得為客之與余之為客者同乎而異

之乎夫客之與主也主者出也客者入也

余之為客也主者出也客者入也

余之為客也主者出也客者入也



疏

諫移都洛陽疏

伏見征西大將軍臣溫表，便當躬率三軍討除二寇，蕩滌河渭，清灑舊京，然後神旂電舒，朝服濟江，反皇居於中土，正玉衡於天極，斯超世之宏圖，千載之盛事。然臣之所懷，竊有未安。以爲帝王之興，莫不藉地利人和以建功業，貴能以義平暴。因而撫之，懷愍不建，淪胥秦京，遂令胡戎交侵，神州絕綱，土崩之釁，誠由道喪。然中夏



蕩蕩。一時橫流。百郡千城。曾無完郭者何哉。亦以地不可守。投奔有所故也。天祚未革。中宗龍飛。非惟信順協於天人而已。實賴萬里長江。畫而守之耳。易稱王公設險以守其國。險之時義大矣哉。斯已然之明效也。今作勝談。自當任道而遺險。校實量分。不得不保小以固存。自喪亂已來六十餘年。蒼生殄滅。百不遺一。河洛邱墟。函夏蕭條。井堙木刊。阡陌夷滅。生理茫茫。永無依歸。播流江表。已經數世。存者長子老孫。亡者



邱隴成行。雖北風之思。感其素心。目前之哀。實  
爲交切。若遷都旋軫之日。中興五陵。卽復緬成  
遐域。泰山之安。旣難以理保。烝烝之思。豈不纏  
於聖心哉。溫。今此舉誠欲大覽始終爲國遠圖。  
向無山陵之急。亦未首決大謀。獨任天下之至  
難也。今發憤忘食。忠慨亮到。凡在有心。孰不致  
感。而百姓震駭。同懷危懼者。豈不以反舊之樂  
賒。而趣死之憂促哉。何者。植根於江外。數十年  
矣。一朝拔之。頓驅蹙於空荒之地。提挈萬里。踰



險浮深。離墳墓。棄生業。富者無三年之糧。貧者無一殮之飯。田宅不可復售。舟車無從而得。捨安樂之國。適習亂之鄉。出必安之地。就累卵之危。將頓仆道塗。飄溺江川。僅有達者。夫國以人爲本。疾寇所以爲人。眾喪而寇除。亦安所取哉。此仁者所宜哀。矜。國家所宜深慮也。自古今帝王之都。豈有常所。時隆則宅中。而圖大勢。屈則遵養以待會。使德不可勝。家有三年之積。然後始可謀太平之事耳。今天時人事。有未至者矣。



一朝欲一宇宙。無乃頓而難舉乎。臣之愚計。以爲且可更遣一將。有威名資實者。先鎮洛陽。於陵所築二壘。以奉衛山陵。埽平梁許。清一河南。運漕之路。旣通。然後盡力於開墾。廣田積穀。漸爲徙者之資。如此賊見亡徵。勢必遠竄。如其迷逆不化。復欲送死。南北諸軍。風馳電赴。若身手之救痛痒。率然之應首尾。山陵旣固。中夏小康。陛下且端委紫極。增修德政。躬行漢文簡樸之至。去小惠節游費。審官人。練甲兵。以養士。滅寇。



爲先。十年行之。無使隳廢。則貧者殖其財。怯者充其勇。人知天德。赴死如歸。以此致政。猶運諸掌握。何故捨百勝之長理。舉天下而一擲哉。陛下春秋方富。溫克壯其猷。君臣相與。弘養德業。括囊元吉。豈不快乎。今溫唱高議。聖朝互同。臣以輕微。獨獻管見。出言之難。實在今日。而臣區區。必聞天聽者。切以無諱之朝。狂瞽進說。芻蕘之謀。聖賢所察。所以不勝至憂。觸冒干陳。若陛下垂神溫少留意。豈非屈於一人。而允億兆之



願哉如以干忤罪大欲加顯戮使丹誠上達  
受刑誅雖沒泉壤尸且不朽

爲功曹參軍駁事牋

綱紀居管轄之任以糾司外內駁議彈射誠無  
所拘然亦有所以獻可替否舉直違枉者也







論

喻道論

或有疑至道者、喻之曰、夫六合遐邈、庶類殷充、千變萬化、渾然無端、是以有方之識、各期所見、鱗介之物、不達臯壤之事、毛羽之族、不識流浪之勢、自得於宮井者、則怪遊漠之量、翻翥於數仞者、則疑冲天之力、纏束世教之內、肆觀周孔之跡、謂至德窮於堯舜、微言盡乎老易、焉復覩夫方外之妙趣、寰中之玄照乎、悲夫、章甫之委



裸俗韶夏之棄鄙俚至真絕於漫習大道廢於  
曲士也若窮迷而不遷者非辭喻之所感試明  
其旨庶乎有悟於其聞者焉

夫佛也者體道者也道也者導物者也應感順  
通無爲而無不爲者也無爲故虛寂自然無不  
爲故神化萬物萬物之求卑高不同故訓致之  
術或精或麤悟上識則舉其宗本不順者復殃  
放酒者羅刑姪爲大罰盜者抵罪三辟五刑犯  
則無赦此王者之常制宰牧之所司也若聖王



御世百司明達則向之罪人必見窮測無逃形之地矣使姦惡者不得容其私則國無違民而賢善之流必見旌叙矣且君明臣公世清理治猶能令善惡得所曲直不濫況神明所莅無遠近幽深聰明正直罰惡祐善者哉故毫釐之功錙銖之釁報應之期不可得而差矣厯觀古今禍福之證皆有由緣載籍昭然豈可掩哉何者陰謀之門子孫不昌三世之將道家明忌斯非兵凶戰危積殺之所致邪若夫魏顆從治而致



結草之報。子都守信。而受驄驥之錫。齊襄委罪。故有墜車之禍。晉惠棄禮。故有弊韓之困。斯皆死者報生之驗也。至於宜孟愍翳桑之饑。漂母哀淮陰之憊。金以一餐。拯其懸餒。而趙蒙倒戈之祐。母荷千金之賞。斯一獲萬報。不踰世故。立德闇昧之中。而慶彰萬物之上。陰行陽曜。自然之勢。譬猶灑粒於土壤。而納百倍之收。地穀無情於人。而自然之利至也。

或難曰。報應之事。誠皆有徵。則周孔之教。何不



而少正卯刑二叔伏誅邪答曰客可謂達  
教聲而不體教情者也謂聖人有殺心乎曰無  
也答曰子誠知其無心於殺殺固百姓之心耳  
夫時移世異物有薄瀉結繩之前陶然太和暨  
於唐虞禮法始興爰逮三代刑網滋彰刀斧雖  
嚴而猶不懲至于君臣相滅父子相害吞噬之  
甚過於豺虎聖人知人情之固於殺不可一朝  
而息故漸抑以求厥中猶蝮蛇螫足斬之以全  
身癰疽附體決之以救命亡一以存十亦輕重



之所權。故刑依秋冬。所以順時殺。春蒐夏苗。所  
簡胎乳。三驅之禮。禽來則韜弓。聞聲覩生。肉至  
則不食。鈞而不網。弋不射宿。其於蛄蟲。每加隱  
惻。至於議獄。緩死。青災肆赦。刑疑從輕。宜失有  
罪。流涕授鉞。哀矜勿喜。生育之恩。篤矣。仁愛之  
道。盡矣。所謂爲而不恃。長而不宰。德被而功不  
在我。日用而萬物不知。舉茲以求。足以悟其歸  
矣。

或難曰。周孔適時而教。佛欲頓去之。將何以懲



止姦。統理羣生者哉。答曰。不然。周孔卽佛。佛卽周孔。蓋外內名之耳。故在皇爲皇。在王爲王。佛者梵語。晉訓覺也。覺之爲義。悟物之謂。猶孟軻以聖人爲先覺。其旨一也。應世軌物。蓋亦隨時。周孔救極弊。佛教明其本耳。共爲首尾。其致不殊。卽如外聖有深淺之跡。堯舜世夷。故二后高讓。湯武時難。故兩君揮戈。淵默之與赫斯。其跡則胡越。然其所以跡者。何嘗有際哉。故逆尋者。每見其二順通者。無往不一。



或難曰、周孔之教、以孝爲首、孝德之至、百行之  
本、本立道生、通于神明、故子之事親、生則致其  
養、沒則奉其祀、三千之責、莫大無後、體之父母、  
不敢夷毀、是以樂正傷足、終身含愧也、而沙門  
之道、委離所生、棄親卽踈、刈剔鬚髮、殘其天貌、  
生廢色養、終絕血食、骨肉之親、等之行路、背理  
傷情、莫此之甚、而云弘道敦仁、廣濟羣生、斯何  
異斬刈根本、而修枝榦、而言不殞碩茂、未之聞  
見、皮之不存、毛將安附、此大乖於世教、子將何



之答曰、此誠窮俗之所甚惑、倒見之爲大  
言、謬嗟而不能默已者也。夫父子一體、惟命同  
之、故母嚙其指、兒心懸駭者、同氣之感也。其同  
無間矣。故唯得其歡心。孝之盡也。父隆則子貴。  
子貴則父尊。故孝之爲貴。貴能立身行道。永光  
厥親。若匍匐懷袖。日御三牲。而不能令萬物尊  
已。舉世我賴。以之養親。其榮近矣。夫緣督以爲  
經。守柔以爲常。形名兩絕。親我交忘。養親之道  
也。旣已明其宗。且復爲客言其次者。夫忠孝名



不並立。穎叔違君。書稱純孝。石碣戮子。武節乃全。傳曰。子之能仕。父教之忠。策名委質。二乃辟也。然則結纓公朝者。子道廢矣。何見危授命。誓不顧親。皆名注史筆。事標教首。記注者豈復以不孝爲罪。故諺曰。求忠臣必於孝子之門。明其雖小違於此。而大順於彼矣。且鯀放遐裔。而禹不告退。若令委堯命以尋父。屈至公於私憾。斯一介之小善。非大者遠者矣。周之泰伯。遠棄骨肉。託跡殊域。祝髮文身。存亡不反。而論稱至德。



言若大賢誠以其忽南面之尊保冲虛之貴三  
護之功遠而毀傷之過微也故能大革夷俗流  
風垂訓夷齊同餓首陽之上不恤孤竹之屑仲  
尼目之爲仁賢評當者寧復可言悖德乎梁之  
高行毀容守節宋之伯姬順理忘生並名冠烈  
婦德範諸姬秉二婦之倫免愚悖之譏耳率此  
以談在乎所守之輕重可知也昔佛爲太子棄  
國學道欲全形以遁恐不免維繫故釋其鬚髮  
變其章服旣外示不及內修簡易於是捨華殿



而卽曠林。解龍袞以衣鹿裘。遂垂條爲宇。藉草  
爲茵。去櫛梳之勞。息湯沐之煩。頓馳驚之轡。塞  
欲動之門。目遏玄黃。耳絕淫聲。口忘甘苦。意放  
休戚。心去於累。胷中抱一。載乎營魄。內思安般。  
一數二隨。三止四觀。五還六淨。遊志三四。出入  
十二門。禪定拱默。山停淵淡。神若寒灰。形猶枯  
木。端坐六年。道成號佛。三達六通。正覺無上。雅  
身丈六。金色焜耀。光遏日月。聲協八風。相三十  
二。好姿八十。形偉羣有。神足無方。於是遊步三



界之表、恣化無窮之境、迴天儼地、飛山結流、存  
亡倏忽、神變縣邈、意之所指、無往不通、大範羣  
邪、遷之正路、衆魔小道、靡不遵服、于斯時也、天  
清地潤、品物咸亨、蠢蠕之生、浸毓靈液、枯槁之  
類、改瘁爲榮、還照大國、廣敷法音、父王感悟、亦  
升道場、以此榮親、何孝如之、於是後進篤志之  
士、被服弘訓、思齊高軌、皆由父老、不異所尚、承  
歡心而後動耳、若有昆弟之列者、則服養不廢  
旣得弘修大業而恩紀不替且令逝沒者得福



報以生天。不復顧歆於世祀。斯豈非兼善大通之道乎。夫東鄰宰牛。西鄰禴祀。殷美黍稷。周尚明德。興喪之期。於茲著矣。佛有十二部經。其四部專以勸孝爲事。慇懃之旨。可謂至矣。而俗人不詳其源流。未涉其場肆。便瞽言妄說。輒生攻難以螢燭之見。疑三光之盛。芒隙之滴。怪淵海之量。以誣罔爲辨。以果敢爲名。可謂狎大人而侮天命者也。



序

蘭亭集後序

古人以水喻性有旨哉非所以澄之則清滑之則濁耶故振轡於朝市則充屈之心生閒步於林野則寥落之意興仰瞻羲唐邈然遠矣近詠臺閣顧探增懷聊於曖昧之中期乎瑩拂之道暮春之始襍于南澗之濱高嶺千尋長湖萬頃乃藉芳草鑑清流覽卉物觀魚鳥具類同榮資生咸暢於是和以醇醪齊以達觀快然兀矣焉



復覺鵬鷖之二物哉耀靈縱轡急景西邁樂與  
時去悲亦系之往復推移新故相換今日之迹  
明復陳矣原詩人之致興諒歌詠之有由



碑

太尉庾亮碑

次黃中以啓胄鍾遐武於軒轅爰及晉代世號  
多士公吸峻極之秀氣誕命世之深量微言散  
於秋毫玄風暢乎德音闕門者貴其凝峙入室  
者議其通玄標形者得之廊廟悟旨者期諸濠  
川提挈南翔息肩靈越曾大君有命納妃德門  
自求多福辭不獲已鳳羽籠于華樊麟趾繫于  
椒房王敦阻兵玩權志窺神器乃轉公左衛將



軍要雄戟以扶華轂勒武旅以翼豹尾死難之心義形于色親受中詔奔告方伯於是羣后契盟同稟高謀巖栖懷德以嚮赴義拯神器於獸吻扶帝座於已傾王室之不壞繫伯舅是賴公以爲戰伐之謀仁所恥聞況立德弘道年幾不惑闔門沈舟將遠迹山海詔累遣侍中黃門逼以嚴制知不獲免乃固求外任江外無烽燧之警宇內歸穆然之美銘曰

金德時昏乾綱絕紀素靈南映中宗尉起誰其



贊之數鍾伊公達人忘懷形隨運通再潛再躍  
婉若游龍

太傅褚哀碑

公資清剛之正氣挺純粹之茂質深量體於自  
然冲識足乎弱冠含章內映而不運皦察之明  
玄識沈通而不以浮藻曜物穆然忘容塵務不  
干其度默爾獨得膚見莫測其奧加以溫恭孝  
友少思寡慾都督兗州刺史將以藩屏畿甸綏  
撫宇內會康皇晏駕太后臨朝總已之重民無



異望、乃徵將軍中書令、錄尚書事。公要終之識、  
定於介石、雖事已未來、而情以本應、顧以主少  
國危、方難未夷、恩清函夏、以一天宇、且帝命所  
存、以社稷爲寄、謀身雖重、方此爲輕、深爲意疾、  
俛首撫順、公志在芟夷、克類拯拔、晉民繕甲練  
卒、日不暇給者久矣、遂見機而作、遺其劍履、將  
龍馬河洛、電掃司豫、廟算以逆、徒尚繁、困獸難  
逼、命公還旆、以俟齊舉、雖元勲未捷、義聲亦足  
以振暴於華夷矣、銘曰



迢迢遠遊，豐豐令圖。將激淮海，灑滌中區。雅業未究，哲人其徂。敢勒玄石，敬刊高謨。

丞相王導碑

公胄興姬文氏，由王喬，玄聖陶化，以啓源靈。仙延祉以分流，賢俊相承，世冠海岱。二儀交泰，鈔氣發暉，醇曜所鍾。公實應之，玄性合乎道旨，冲一體之自然，柔暢協乎春風，溫煥侔於冬日，信人倫之水鏡，道德之標準也。惠懷之際，運在大過，皇德不建，神轡再絕，獫狁孔熾，凶類焱起。公



見機而作，超然立悟，遂扶翼王室，協蕃東岳，弘大順以一羣后之望，仗王道以應天人之會，于時乾維肇振，創制理物，中宗拱已，雅仗賢相，尚父之任，具瞻在公，存烹鮮之義，殉易簡之政，大略宏規，卓然可述，公雅好談詠，恂然善誘，雖管綜時務，一日萬機，夷心以延白屋之士，虛已以招巖穴之俊，逍遙放意，不峻儀軌，公執國之鈞，三十餘載，時難世故，備經之矣，夷險理亂，常保元吉，匪躬而身全，遺功而勲舉，非夫領鑒立達。



百鍊不渝，孰能莫忤於世，而動與理會者哉。

太宰和鑒碑

公蓋黃帝之苗裔，氏族所由，皆紀於祖。御史大夫之碑矣。靈和誕授，載有公侯。至德碩量，天實挺之。琅琊王應天啓之運，闡中興之道。思延英賢，以匡王業。乃假交州刺史，金章仍割。玄鉞載飾，于時羯寇凶熾，羣逆爰起。公奮其忠勇，精貫白日，信順爲甲冑，大節爲城池。故能摧却凶寇，全身濟功。惟公德器純固，體識深弘，敦尚衡門。



則服膺曾閔毗亮皇極則憲章元凱篤誠簡於  
帝心明允著于蒞政信鍾山之珪璧歲寒之靈  
木者也

摘藻風雲策名帝錄肇階方尺遂隆台岳王室  
未休吾何以豫興言再慨思康天步將俾皇化  
歸之太素彼蒼者天曾不遐祚哲人其萎民斯  
攸慕嗟爾後昆式瞻宏度

司空庾冰碑

君喻嵩巖之立精挹清瀨之潔流貞質謀於白



珪明操勵於南金，雖名器未及，而任盡臣道。正身提衡，銓括百揆，知無不爲，謀必鮮過。端委待旦，則有心宣孟，以約訓儉，則擬議季文。君平衡無私，鳴謙寡欲，當世之所難於君易之矣。於是慨然遠鑒，量已而退，高揖帷幙，投迹藩屏。夫良玉以經焚不渝，故其貞可貴；竹柏以蒙霜保榮，故見殊列樹。治而不亂者有矣，未有亂而彌治者也。考終以證始，卽事以徵心，少長能一其度，貴賤不二其道，文康之雅量，於是乎弘著矣。銘。



曰

洋洋俊穎，巖巖神蒿。流滌滄氣，頗扇祥風。篤生  
公侯，精靈德充。臨川擬潔，仰華思崇。履險思夷，  
處滿思冲。方恢遠猷，皇極是贊。繁霜夏被，修梧  
摧榦。人之云徂，朝野咸歎。儀刑永戢，光風長煥。

潁州府君碑

君天縱傑邁，竒逸卓犖。茂才亮拔，雅度恢廓。通  
理遠鑒之識，禮樂飾身之具。固以足之於天，仞  
冠之於縉紳。出匡南位，功深於爵。金龜三曜，冲



惟再發道光古賢風，改彫僞允，可謂明德宏遠。  
贊世之偉器者矣。矯矯秀姿，卓卓英韻，他人之  
高及肩而已。邀命有數，託生皇代，所忝之至人。  
知其幸，況在懷情，而無自識。但親勤未効，違離  
已及，低徊房禁，攀戀罔遺。







銘

太平山銘

嵬我太平，峻踰華霍，秀嶺樊縕，竒峰挺嶸，上干  
翠霞，下籠丹壑，有士冥遊，默往竒託，肅形枯林，  
映心幽漠，亦旣覲止，渙焉融滯，懸棟翠微，飛宇  
雲際，重巒蹇產，廻溪縈帶，被以青松，灑以素瀨，  
流風伫芳，翔雲停藹，

漏刻銘

二儀貞運，聖鑒通玄，數以器徵，理以象宣，乃制



妙漏挈壺是銓近取諸物遠贊自然累筒三階  
積水成淵器滿則盈乘虛赴下靈虬吐注陰蟲  
承瀉昏明無隱其晷度陰陽是效其屈伸不下  
堂而天地理得設一器而萬事同倫

樽銘

太匠體物妙思入神儀彼靈禽制器爲人虛以  
含有文以飾身湛此玄醴延我嘉賓興懷寄詠  
聊以標設詳觀茲器妙巧奇絕酌焉則注受滿  
則側吐寫適會未見其竭與之無若施而有節



玄應忘知功存不伐王公擬之德齊上哲







頌

聘士徐君墓頌

有序

晉南昌相太原縣君白漢故聘士徐君之靈惟  
君風軌英邃音徽遠播殯仰芳流宗揖在昔古  
人有言聞伯夷之風者懦夫有立志仰先生之  
道豈無青雲之懷哉余以不才忝宰茲邑遵宗  
有道思揖遠風乃與友人殷浩等束帶靈墳奉  
瞻祠宇雖玉質幽潛而目想令儀雅音永寂而  
心存高範徘徊墟壠仰眄松林哀有形之短化



悼令德之長泯、憮然有感、悽然增傷、夫諷謠生於情、託雅頌與乎所欽、匪於詠述孰寄斯懷、頌曰

巖巖先生邁此英風、含真獨暢、心夷體冲、高蹈域表、淑問顯融、昂昂五賢、赫赫八俊、雖曰休明、或嬰險矣、豈若先生、保茲玉潤、超世作範、流光遐振、墳塋磊落、松竹蕭森、蒼叢蔚蔚、虛宇悒悒、遊獸戲阿、嚶鳥鳴林、嗟乎徐君、不聞其音、徘徊邱側、悽焉流襟、何以舒蘊、援翰託心



贊

賀司空循像贊

有序

公應天縱之德，系命世之期。質與荆玉參貞，鑒與南金等照。若其好學之性，不勸而成，弱不珍玩，雅好博古，慨洙泗之邈遠，悼禮樂之不舉。於是覃思深講，銳精幽贊，雖齊侯之歸孟軻，漢王之宗仲舒，無以加焉。贊曰：

思文公侯，誕保休祚。素質玉潔，華藻金章。總角韞德，被褐韜光。自昔喪亂，鉦鼓日震。禮樂藏器，



孫文府集  
詩書蒙塵哲人遐慨垂幙澄神仰觀洙泗揚波  
絕津方曜金鉉協贊衡機昊天不弔曾不憖遺  
縉紳頹範皇德莫毗公之云徂華裔同悲

孔松楊像贊

有序

君德旣純固基宇高邃荆玉不及喻其溫南金  
未能方其厲夫其溫恭篤誠善誘勤勸外身崇  
物匪躬厚人指撝必謙動靜克讓允有古賢之  
流風乃祖之遺令矣肇階方尺臨政弊邑潔齊  
冬水澤侔春露



我后含和體純行範乃祖德冠縉紳降迹  
至化澤侔三春超然遐舉遺愛在民

某太常碑贊

海岱協靈育此多士峩峩君侯東國之紀金德  
發耀英風劬起文齊游夏行儔曾史有邈其升  
令問不已人亦有言德崇譽迢束帛旣言旌節  
仍招儀刑朝堂流風丹霄將振華袞永煥皇朝  
上帝靡盬曾不遐齡衛霍頽鎮哲人其傾邦國  
殄瘁縉紳喪情仰拜高範永播休聲



老子贊

李老無爲而無不爲、道一堯孔、跡又靈竒、塞關  
內鏡、冥神絕涯、永合元氣、契長兩儀、

商邱子贊

商邱卓犖、執策吹竽、渴飲寒泉、饑食菖蒲、所牧  
何物、殆非真豬、儻逢風雲、爲我龍攄、

原憲贊

原憲玄默、冰清玉粹、志逸九霄、身安陋術、

道壹贊



馳騁遊說言固不虛唯茲壹公綽然有餘譬若  
春圃載芬載敷條柯猗蔚枝榦扶疎

釋道安贊

物有廣瞻人固多宰淵淵釋安專能兼倍飛聲  
濟壘馳名淮海形雖草花猶若常在

康僧會

會公蕭瑟寔惟令質心無近累情有餘逸厲此  
幽夜振彼尤黜超然遠詣卓矣高出



三、無量壽佛入淨土無量壽，此亦無量壽。

西窗月夜思

海國圖志



誄

庾公誄

咨予與公風流同歸、擬量託情、視公猶師、君子之交、相與無私、虛中納是、吐誠誨非、雖實不敏、敬佩弦韋、永戢話言、口誦心悲、與公作庾公誄文多寄托之辭  
既成示庾道恩庾見慨然  
日先君與君自不至於此

王長史誄

余與夫子交、非勢利、心猶澄水、同此立味、王季

日亡祖何至  
與此人周旋



王荅身集卷三  
三



表哀詩 并序

天地之德曰生。生之所恃者親。親存則歡泰。情盡。親亡則哀悴。理極。故老萊婆娑於膝下。曾閔泣血於終年。哀悼之思至矣。自然之性篤矣。余以薄祜。夙遭閔凶。越在九齡。嚴考卽世。未及志學。過庭無聞。天覆旣淪。俯憑坤厚。殖根外氏。賴以成訓。然以不才。不能負荷仁妣。弘母儀之德。邁榮寒之操。雕琢固頑。勉以



道義。庶幾砥礪犬馬之報。豈悟一朝。復見孤  
棄。上天極禍。怨痛莫訴。皆繇惡積咎深。不能  
通感。自丁荼毒。載離寒暑。茵帷塵寂。棟宇寥  
恍。仰悲軌迹。長自矜悼。不勝哀號。作詩一首。  
敢冒諒闇之譏。以申罔極之痛。詩曰

茫茫太極。賦受理殊。谷生不辰。仁考宿一作祖

微微。沖弱眇眇。偏孤叩心。昊蒼痛貫黃墟。肅我

以義。鞠我以仁。嚴邁商風。恩洽陽春。昔聞鄒母。

勤教善分。懿矣慈妣。曠世齊運。嗟予小子。譬彼



土糞俯

質仰忝高訓，悠悠玄運，四氣錯序。

自我酷痛，載離寒暑，寥寥空堂，寂寂響戶，塵蒙  
几筵，風生棟宇，感昔有恃，望晨遲顏，婉變懷袖，  
極願盡歡，奈何慈妣，歸體幽埏，酷矣痛深，剖髓  
摧肝。

三月三日

姑洗幹運，首陽穆闡，嘉卉萋萋，溫風暖暖，言滌  
長瀨，聊以游衍，縹萍蒹葭，流綠柳蔭，坂羽從風，飄  
鱗隨浪，轉。



蘭亭集詩二首

春詠登臺，亦有臨流。懷彼伐木，肅此良儔。修竹  
蔭沼，旋瀨縈邱。穿池激湍，連濫觴舟。流風拂枉渚，停雲蔭九臯。鶯語吟修竹，游鱗戲  
瀾濤。攜筆落雲藻，微言剖纖毫。時珍豈不甘，忘  
味在聞韶。

秋日

蕭瑟仲秋日，飈唳風雲高。山居感時變，遠客興  
長謠。疎林積涼風，虛岫結凝霄。湛露灑庭林，密



葉醉榮條撫菌藝文悲先落鬱一作松美後凋

垂綸在林野交情遠市朝澹然古懷心濠上豈

伊遙

情人碧玉歌二首

一名千金意樂府詩集云宋汝南王作

碧玉小家女不敢攀貴德感郎千金意慙無傾

城色

碧玉破瓜時郎為情顛倒感君不羞赧迴身就

郎抱



孫廷景集

卷全



本傳

興公博學善屬文。少與高陽許詢俱有  
尚之志。居于會稽。游放山水。十有餘年。乃作  
初賦。以致其意。常鄙山濤。而謂人曰。山濤吾  
所不解。吏非吏。隱非隱。若以元禮門爲龍津。則  
常黠。額暴鱗矣。所居齋前種一株松。恒自守護。  
鄰人謂之曰。樹子非不楚楚。可憐。但恐求無棟。  
梁曰耳。綽答曰。楓柳雖復合抱。亦何所施邪。綽  
與詢一時名流。或愛詢高邁。則鄙於綽。或愛綽



才藻而無取於詢。沙門支遁試問綽君何如許。  
答曰。高情遠致。弟子早已伏膺。然一詠一吟。許  
將北面矣。絕重張衡左思之賦。每云三都二京。  
五經之鼓吹也。嘗作天台山賦。辭致甚工。初成。  
以示友人范榮期云。卿試擲地。當作金石聲也。  
榮期曰。恐此金石非中宮商。然每至佳句。輒云。  
應是我輩語。除著作佐郎襲爵長樂侯。綽性通  
率。好譏調。嘗與習鑿齒共行。綽在前。顧謂鑿齒  
曰。沙之汰之。瓦石在後。鑿齒曰。簸之颺之。糠粃



在前征西將軍庾亮請爲叅軍補章安令徵拜  
太學博士遷尚書郎揚州刺史殷浩以爲建威  
長史會稽內史王羲之引爲右軍長史轉永嘉  
太守遷散騎常侍領著作郎時大司馬桓溫欲  
經緯中國以河南粗平將移都洛陽朝廷畏不  
敢爲異而北土蕭條人情疑懼雖並知不可莫  
敢先諫綽乃上疏桓溫見綽表不悅曰致意與  
公何不尋君遂初賦知人家國事邪尋轉廷尉  
卿領著作綽少以文才垂稱于時文士綽爲其



冠溫王郗庾諸公之薨、必須綽爲碑文、然後刊石焉、年五十八卒、







